

Bosna i Hercegovina
FEDERACIJA BOSNE I HERCEGOVINE
FEDERALNO MINISTARSTVO PRAVDE
SARAJEVO

Broj: 01-02-2-422/18-2-4
Sarajevo, 26.07.2018. godine

Na osnovu člana člana 70. stav (3) a u vezi sa članom 32. Zakona o javnim nabavkama (»Službeni glasnik BiH«, broj: 39/14) i Zapisnika o ocjeni ponuda Komisije za provođenje postupaka zajedničkih javnih nabavki za Federalno ministarstvo pravde i kazneno-popravne zavode, broj: 01-02-2-422/18-4 od 25.07.2018. godine, federalni ministar pravde, d o n o s i

ODLUKU
o izboru ponuđača

U postupku javne nabavke „Sukcesivna nabavka uniformi za potrebe zatvorske policije - straže u kazneno - popravnim zavodima po lotovima“ za LOT 2 – Obuća (ljetna i zimska) izabran je kvalifikovani ponuđač „daniel'S“ d.o.o. Tešanj čija je ukupna cijena ponude bez PDV-a 99.600,00 KM nakon provođenja postupka e - aukcije.

Sa izabranim ponuđačem će se zaključiti okvirni sporazumi za period od tri (3) godine i ugovori za prvih dvanaest mjeseci pojedinačno po kazneno-popravnim zavodima, a sve u skladu sa Ponudom ponuđača broj: IP/123/18 od 15.03.2018. godine.

O b r a z l o ž e n j e

Odlukom o pokretanju zajedničke postupka javne nabavke, broj: 01-02-2-422/18 od 31.01.2018. godine pokrenut je otvoreni postupak javne nabavke roba za „Sukcesivnu nabavku uniformi za potrebe zatvorske policije - straže u kazneno - popravnim zavodima po lotovima“, kojim je predviđeno zaključivanje okvirnog sporazuma na period od tri (3) godine.

U otvorenom postupku na portalu javnih nabavki objavljena je Tenderska dokumentacija, broj: 01-02-2-422/18-1 od 31.01.2018. godine i Obavještenje o nabavci broj: 1134-1-1-4-3-6/18. dana 01.02.2018. godine.

Komisija je u Zapisniku o ocjeni ponuda, broj: 01-02-2-422/18-4 od 25.07.2018. godine, nakon postupanja po rješenju Ureda za razmatranje žalbi ponovno izvršila evaluaciju ponuda, te utvrdila da ponude ponuditelja „Plan plus“ d.o.o. Zenica i „daniel'S“ d.o.o. Tešanj zadovoljavaju tenderske uvjete kao što je ocijenjeno i na sjednici Povjerenstva održanoj 20.03.2018.godine, a da ponuda ponuditelja KM TRADE d.o.o Visoko ne udovoljava uvjetima iz tenderske dokumentacije u pogledu punomoći za potpisivanje izjava iz članka 45.-52. ZJN, kako je utvrđeno u rješenju Ureda za razmatranja žalbi broj i datum navedeni.


Sukladno gore navedenom ugovorni organ se obratio Agenciji za javne nabavke za provođenje ponovne e-aukcije za LOT 2 – Obuća (ljetna i zimska). Agencija za javne nabavke putem e-maila 19.07.2018. godine je obavijestila ugovorni organ da ugovorni organ ne može ponovo održati e-aukcije jer to radi Agencija. Istim e-mailom je zatražila razlog ponovnog zakazivanja e-aukcije, kao i podatke ponuđača koji će sudjelovati u e-aukciji, tj. da li je potrebno brisati nekog od ponuđača. Nakon dostavljenih traženih podataka od strane ugovornog organa Agenciji, ista je 20.07.2018. godine obavijestila ugovorni organ da je e-aukcija zakazana za 23.07.2018. godine s početkom u 12:00 sati.

U postupku ponovne e-aukcije učestvovali su kvalificirani ponuđači, a koji su ponudili nove cijene ponuda i na osnovu Izvještaja o toku i završetku e-aukcije od 23.07.2018. godine, utvrđena je konačna rang lista u kojoj je prvoplasirani ponuđač „daniel'S“ d.o.o. Tešanj čija je cijena ponude bez PDV-a 99.600,00 KM.

Cijeneći navedeno, federalni ministar pravde je donio odluku kao u dispozitivu.

Pravna pouka: Protiv ove odluke može se izjaviti žalba Uredu za razmatranje žalbi Bosne i Hercegovine putem ugovornog organa u roku od 10 (deset) dana od dana prijema odluke.

Dostavljeno:
3x Ponuđaču uz obavještenje
1x Komisija za javne nabavke
1x Arhiva



MINISTAR

Mato Jović